

25. Imas igat gutpela luksave na was long yu sapos ol narapela ikisim o was long yu na lukautim yu na oli no papamama o family tru bilong yu.
26. Yu gat rait long stap gut na gavman imas helpim yu na ol family bilong yu na kamapim gutpela sosol welfe sevis na helpim yu long painim gutpela sindaun.
27. Yu gat rait long stap gut, wantaim haus, kaikai, gutpela helt na skul, maski sapos family bilong yu gat planti moni o nogat. Sapos papa na mama ino inap long lukautim yu long ol dispel as samting, orait gavman imas helpim ol.
28. Yu gat rait long go long skul na gat rait long kisim fri edukesin long praimari skul, na sans long go long sekonderi skul o vokesenel senta. Skul bilong yu imas igat gutpela lo na oda na yu mas stap gut na lainim ol gutpela samting. Sapos gavman bilong yu ino inap mekim, sampela narapela kantri imas helpim gen.
29. Skul bilong yu imas givim yu gutpela save na gutpela pasin na lainim yu long luksave long raits bilong olgeta narapela man, meri na pikinini na long laikim na rispektim olgeta.
30. Sapos yu kamap long family husat inogat planti lain o wantok, yu gat rait long hamamas na bihainim kastom, tokples na lotu yu kam long em. Oli noken stopim yu sapos dispela pasin ino bagarapim raits bilong ol.
31. Yu gat rait long malolo na pilai wantaim.
32. Yu gat rait long stap gut, we inogat wanpela inao pusim yu o lainim yu or baim yu long mekim wanpela kain wok o pasin nogut we ino stret long pikinini long mekim.
33. Tambu long oli givim strongpela drink o drak long yu na itambu long pikinini iwokim o planim ol dispela samting.

34. Gavman imas kamapim lo itambuim ol bikpela lain long baim o salim yu long kuap, o long wokim piksa nogut long yu long salim igo aut. Gavman imas wok bung wantaim ol narapela kantri long tambuim ol dispela kain pasin long bagarapim yu na narapela pikinini.
35. Tambu long wanpela istilim o salim o senisim yu o pusim yu long lusim family tru bilong yu.
36. Gavman imas stopim ol kain pasin nogut we em inap long bagarapim bodi o tingting bilong ol pikinini.
37. I tambu long givim strongpela kalabus o mekim save long yu. I tambu long kot igivim oda long gavman long kalabusim yu inap pinisim laip bilong yu o long kilim yu. Ol no ken kalabusim yu wantaim ol bikpela manmeri na sapos polis iholim yu, yu gat rait long lukim loya na family bilong yu.
38. Sapos yu aninit long 15 krismas, itambu tru long gavman o ol wantok bilong yu long yusim yu olsem soldia long pait.
39. Gavman imas helpim yu sapos yu kisim bikpela bagarap long taim bilong pait. Oli mas helpim stretim bek tingting bilong yu wantaim bodi.
40. Sapos yu brukim lo nay u gat trabol wantaim polis na kot, oli mas mekim pasin we istret long krismas bilong yu. Yu gat rait long kisim loya na gavman mas helpim yu long abrusim kot na kalabus, long mekim yu kisim bek gutpela tingting na lainim gutpela pasin gen.

**LEITANA NEHAN WOMEN'S
DEVELOPMENT AGENCY**
PO Box 22, Buka, Autonomous
Region of Bougainville
Papua New Guinea
Phone/Fax: (675) 973 9062
Email:
leitananehan@daltron.com.pg

TOKSAVE BILONG OL PIKININI I STAP ANINIT LONG 18 PELA KRISMAS

YU GAT OL RAIT OLSEM

1. Sapos yu yangpela na krismas bilong yu emi aninit long 18pela krismas, yu gat olgeta dispel raits we oli raitim long hia.
2. Maski yu wanem kain kala skin, yu man o meri, wanem lotu yu stap, wanem kain tok ples yu gat o sapos yu lek nogut, ai pas, iau pas na maus pas o yu nogat planti samting yu gat dispel olgeta raits yet.
3. Wanem samting ol bikpela man o meri, papamama, femili o polis o kot imekim long yu, dispela man o meri mas tingim laip na sindaun bilong yu pastaim na mekim samting stret we em bai ihelpim yu, na inapim laip na sindaun bilong yu olsem pikinini.
4. Gavman imas bihainim promis bilong em long bihainim olgeta raits bilong ol pikinini imas kamap trutru long kantri bilong yumi.
5. Gavman imas luksave long raits bilong yu na olgeta lukaut na wok papa mama bilong yu imas mekim long lukautim yu, stiam yu na skulim yu. Papamama imas luksave na rispektim raits bilong yu.
6. Olgeta manmeri imas luksave olsem yu gat olgeta raits tasol oli mas lainim yu tu olsem olgeta narapela pikinini na bikpela manmeri igat raits bilong ol tu.

7. Yu gat rait long igat wanpela nem bilong yu yet. Na tu oli mas raitim dei na yia na nem bilong papamama long yu kamap long bel bilong mama long buk bilong gavmana. Yu gat rait long kamap na stap sitisen bilong kantri bilong yu na tu yu gat rait long stap gut aninit long lukaut bilong papa mama bilong yu, na ol lo bilong gavman.
8. Yu gat rait long save long Kastom bilong ol lain bilong yu na tok ples bilong yu na stap olsem man o meri tru (sitisen) bilong kantri bilong yu. Sapos yu lus long family, gavman imas painim yu na kisim yu go bek long family bilong yu yet na ol bai mas long save nem na namba bilong yu insait long kantri na liklik ples yuk am long em.
9. Sapos papamama ibruk marit orait, yu yet igat rait long stap wantaim papa o mama (kot bai mekim desisen) nay u inap save long tupelo papa o mama bilong yu husat oli nap stap wantaim yu. Sapos papa o mama ilus long sampela birua bilong politik or pait, gavman imas tokim yu long trupela stori, olsem oli bin lus olsem wanem.
10. Sapos yu bin lus long papamama o family o bruk long taim bilong bikpela pait o birua, gavman imas helpim yu long painim bek papamama na ol lain bilong yu.
11. Sapos wanpela man o meri ihait na stilim yu long han bilong papamama orait gavman imas wok strong long kisim yu go bek long papa na mama tru bilong yu.
12. Yu gat rait long tokaut long wanem samting yu laikim o yu laik mekim, na sapos kot imas wokim sampela disisen long family bilong yu o laip bilong yu. Yu gat rait long autim tingting na laik bilong yu yet insait long kot.
13. Yu gat rait long kisim na givim toksave na lukim ol kain piksa o buk sapos emi no inap bagarapim yu o lo na oda.
14. Yu rait long stap nating o joinim wanema lotu yu ting emi gutpela long yu na ol papamama bilong yu imas stiaim yu gut na helpim yu long painim gutpela rot.
15. Yu gat rait long bungim o kamap gut pren wantaim ol narapela wankrismas o wokim grup wantaim ol. Dispel grup imas rispektim raits bilong narapela pikinini na manmeri.
16. Yu gat rait long holim pas sampela samting bilong yu, olsem ol samting we emi praivet long yu yet, na sapos dispela samting emi no inap bagarapim raits bilong narapela.
17. Yu gat rait long kisim tingting long Radio, Niuspepa na TV. Ol bikpela man o meri imas save olsem, sapos yu kisim stori gut yu bai klia long planti samting. Gavman yet imas tambuim ol piksa na stori nogut we emi ken bagarapim yu. I tambu long narapela ibagarapim nem bilong yu, olsem pikinini, istap insait long buk, piksa o video.
18. Papa na mama bilong yu na ol lain family bilong yu oli nambawan lain we oli mas lukautim yu gut na wok strong long helpim yu inap yu bikpela, winim 18 krismas. Oli mas mekim olgeta samting long wei we em bai ihelpim yu long nau na long bihain taim tu. Ol mas putim sindaun bilong yu igo pas long olgeta plen na disisen bilong ol.
19. Tambu long papa o mama, o wanpela family bilong yu long bagarapim bodi o tingting bilong yu long sampela pasin nogut. Gavman imas kirapim gutpela sevis bilong banisim gut olgeta pikinini. Husat ibagarapim bodi bilong pikinini o salim ol long wokim sampela pasin nogut long bodi bilong ol, polis imas holim, sasim na kotim dispel lain.
20. Gavman imas painim gutpela ples long lukautim gut ol pikinini husat ino inap stap wantaim papamama o family tru bilong ol o husat ipainim bikpela hevi insait long family na emi hat long ol long stap aut wantaim ol.
21. Sapos igat was lain o was papamama husat ilukautim yu (na ino papamama tru bilong yu) oli mas bihainim ol lo bilong kantri, gavman imas bihainim yet wokabaut na sindaun bilong yu imas stap gut.
22. Sapos famili bilong yu kisim yu ronowe long kantri bilong yu, gavman bilong wanem hap yu kamap longen imas lukautim yu gut na bihainim ol raits bilong ol pikinini.
23. Sapos yu lek nogut, iau pas na ai pas pikinini man o meri, yu gat rait long skul na kamap wankain olsem ol narapela man na meri husat inogat bagarap long bodi bilong ol. Gavman imas givim spesel sevis long ol disebol pikinini.
24. Yu gat rait long painim gutpela helt. Yu no mas dai taim yu bebi o taim yu yangpela yet. Papamama imas lukautim helt bilong yu na gavman imas kamapim gutpela helt sevis na dispel sevis imas helpim ol papamama long save na kisim family plening. Yu mas igat gutpela lukaut long taim yu sik na ol bikpela manmeri imas wok hat long yu bai yu no ken kisim sik tumas.